



Progèttu:

“TARRANÓA E TERRANOA”

Finanziàtu da la Regioni Saldìgna cu' la Legghji 482 di lu 1999, alticculi 9 e 15 e da la Legghji Regionali 22 di lu 2018. Annualità 2022.



Cumuni di Tarranóa

Provincia di Sassari – Zona Omogenea di Tarranóa-Tèmpiu

Tarranóa, la dì 30 di Ghjinnagghju di lu 2023

AVVÌSU

Avviu di lu pruzzidì niguziatu cunfolma a l'alticculu 1, comma 2, lett. b) di lu Decrettu Legislativu n. 76 di lu 2020 cunviltutu cu' la Legghji n. 120 di lu 2020, comu mutatu illu Decrettu Legislativu n. 77 di lu 2021, cunviltutu cu' li mutamenti di la Legghji di la dì 29 d'Aglíola di lu 2021, n. 108, pa' mezu di RdO di fassi innant'a la Centrali di Cummittenza SaldìgnaCat, pa' l'affidamentu di trabaddhi di “accunciugnu di un caminu ciclopedonali tra lu Ponti di Farru e l'Aeropolu di Tarranóa – Trabaddhi di cumprimentu di lu trettu chjamatu Lottu 0”.

LU DIRIGENTI DI LU SITTÓRI TECNICU

Faci sapé chi cun l'approu di lu ditilmìnu 441 di la dì 30 di Ghjinnagghju di lu 2023 s'è cuminciutu a pruzzidì pa' l'affidamentu di l'appaltu “accunciugnu di un caminu ciclopedonali tra lu Ponti di Farru e l'Aeropolu di Tarranóa – Trabaddhi di cumprimentu di lu trettu chjamatu Lottu 0”.

Lu pruzzidì di l'affidamentu sarà sìgutu in manéra telematica pa' mezu di la di Centrali di Cummittenza SaldìgnaCat, e pa' chistu muttùu l'operadóri economici chi àni lu chì selvi e sò intarissati a fà la dummanda pa' la pruzzidura di affidamentu di li trabaddhi, siddhu no sò iscritti, póni iscrissi illu sittu Saldìgna Cat, pa' pudé cuncurrì a lu scióaru di alumancu 5 (cincu) operadóri economici chi sarani invitati a prisintà la prupposta.

Descrizioni di li trabaddhi

Lu trabaddhu è pa' l'accunciugnu di lu sighimentu di lu lottu funzionali di lu caminu ciclopedonali cumpresu tra lu "Ponti di Farru" e l'aeropoltu di Tarranóa chjamatu "Lotto 0" (suttupassu).

È un trettu di caminu ciclopedonali di fà illa zona a palti di mezudì/punenti di la zona fraicàta di Tarranóa chi è a làccana cu' un trettu indrentu a la cità di la carréra manna (S.S. 125) in una palti undi s'agàtta la cansàta pa' lu stradòni (ex S.S. 199) e lu Cumpaltu di li Zoni Terziari e Commerciali Aeropoltuali, chjamatu "Lottizzazioni Globu".

Li trabaddhi appustati illu progèttu sò assintati chici infattu:

- Lu spianamentu di lu tarrenu naturali;
- L'accunciugnu di li muri di làccana, siddhu selvini;
- L'accunciugnu di li cascetti pa' l'alga illu stradoni;
- L'accunciugnu di la pista ciclopedonali;
- Appustà li canali di trattà dapói pa' lu passagghju di li suttusìlvizi;
- Turrà com'e primma e dà lu sestu a li terreni chi vi sò ghjà;
- Appustà l'impiantu di l'illuminazioni pubblica;
- Lu fràicu di un impiantu pa' buccacci l'ea piuana;
- Lu fràicu di una cascetta in cimentuaalmatu pa' aunì l'ea piuana chi felma a palti di fora di li trabaddhi;
- Assentu di li intelferenzi cu' li suttusìlvizi chi cumbinani.

Lu tantu di l'appaltu

Lu tantu di li trabaddhi chi àni di stà a ribassu	201.737,43 €
Lu tantu pa' lu gàrrigu di la sigurànzia chi no à di stà a ribassu	5.687,39 €
TOTALI DI LU TANTU DI LI TRABADDHI A BASI DI GARA	207.424,85 €

Tippu e classifica di li trabaddhi

Tippu OG3 “Carréri e opari agghjunti” – Classifica I o sup. Illu casu di subappaltu, in cunfulmità a l’alticculu 105 di lu Decrettu Legislativu di la dî 18 d’Abbrili di lu 2016, n. 50 e ss.mm. e ii.

Durata di l’appaltu

Lu trettu di tempu chi selvi pa’ cumprì li trabaddhi è di massimu 120 (centuinti) ciurràti naturali una infatt’a l’alta, chi cumenciani da la data di lu velbali di cunsigna, cunfolm’a lu cronoprogramma trabaddhi di lu progettù definitivu/eseguibili. In chistu trettu di tempu v’è puru chissu chi selvi pa’ piazzà e bucacci li cantieri.

Òldini generali

Pa’ pudé esse invitati a prisintà una prupposta pa’ l’appaltu impustatu a innanzi, l’oparadóri economici, chi arani a esse selezionati illu sittu di la Centrali di Cummittenza Saldigna Cat, doarani aè lu chi selvi:

➤ Tittuli di òldini generali

No póni palticipà l’oparadóri economici siddhu vi sò una o più muttì di esclusioni tra chissi elencati da l’alticculu 80 di lu Codici; li cundizioni di l’alticculu 53 comma 16-ter di lu Decrettu Legislativu 165 di lu 2001 o siddhu l’operadóri àni autu altu pruibbiziòni a cuntrattà cu’ l’amministrazioni pubblica.

➤ Tittuli di abilità professionali

Cunfolm’a l’alticculu 83, comma 3 di lu Codici, l’operadóri economici déni esse iscritti illu riggistru di la Camera di Commerciu, Industria, Altigianatu e Agricoltura. Illu casu di cooperativi, no solu vi ò l’iscrizioni alla CCIAA, ma ancóra l’iscrizioni ill’Albu.

➤ Tittuli minimi di “capacità economica e finanziaria” e “capacità tecnici e professionali”

Cunfolm’a l’alticculu 84, comma 1 di lu Codici, l’operadóri economici déni aè l’Attestazioni di cualificazioni, data da una SOA cumpruata, valida a lu mumentu, pa’ lu Tippu e classifica ghjusti a la categoria e lu tantu di li trabaddhi di pidhà.

Pruzzidura di gara e manéra di agghjudicamentu

L'appaltu impustatu a innanzi sarà datu pa' mezu di la pruzzidura niguziata cunfolm'a a l'alticculu 1, comma 2, lett. b) di lu Decrettu Legislativu n. 76 di lu 2020, comu mutatu da lu Decrettu Legislativu n. 77 di lu 2021, cunviltutu cu' li cambiamenti di la Legghji di la dì 29 d'Aglióla di lu 2021, n. 108, cu' la manéra di lu présgiu più bassu in cunsidérudi li trabaddhi di fà.

Lu présgiu più bassu, di mancu di chissu impustatu com'e paltenzia di gara, sarà sciuaratu cu' lu ribassu unicu ill'assentu di li présgi allegati a lu progèttu postu a cumenciu di gara, a lu minimu di li garrighi pa' la sigurànzia chi no à di stà a ribassu, cu' lu scaltu automaticu di li prupposti chi sò più bassi di lu normali, cunfulm'a l'alticculu 1, comma 3 di lu Decrettu Legislativu n. 76 di lu 2020, siddhu e dach dachi lu nummaru di prupposti accittati sò alumancu gali o di più di cinqu.

Mezi di ditilminazioni pa' lu pacamentu di ricìi

Lu cuntrattu di l'appaltu impustatu a innanzi, sarà fattu tuttu "a misura" cunfolm'a l'alticculu 3, littara EEEEE) di lu Codici.

Si deni dà li rati di accontu dugna 'olta chi li trabaddhi sò fatti e cuntabilizzati, a lu présgiu ghjustu di lu ribassu d'asta innant'a li trabaddhi, chi vi sia la palti di li garrighi pa' la sigurànzia, a lu présgiu ghjustu di la ritinuta, di lu tantu di li rati di accontu di primma e di l'acchittu siddhu veni anticipati, arreani a un tantu no più bassu di 40.000,00 € (corantamilia/00 euro);

Mezi pa' sciuarà l'operadóri

Venaràni sciuarati a solti illu sittu "Saldìgna Cat" e venaràni invitati a prisintà la prupposta, alumancu 5 (cinqu) operadóri economici iscritti pa' la Categoria Trabaddhi illu Tippu OG3 class I o di più.

Si diffini chi l'Amministrazioni cumunali no pó in nisciuna manéra punissi in mezu illu scióaru di l'operadóri, aendi tuttu lu garrigu la Centrali di Cummittenza regionali in manéra elettronica e a solti.

La Stazioni Appaltanti si riselva di no fà un'alta pruzzidura niguziata pa' chistu Avvìsu o di filmà o mutà o di bucaccilla pa' muttìi più manni di intaressu pubbricu.

Ingarrigatu di lu Pruzzidimentu

Lu 'ngarrigatu Unicu di lu Pruzzidimentu è lu Geom. Daniele Deiana – Sittóri Tecnicu (Tel. 07989 52294 e-mail:ddeiana@comune.olbia.ot.it)

Lu Dirigenti
Ing. Diécu Ciceri